

## BANCROFT, WILLIAM JOHN (1871-1959), chwaraewr rygbi a chriced.

**Enw:** William John Bancroft  
**Dyddiad geni:** 1871  
**Dyddiad marw:** 1959  
**Rhiant:** William Bancroft  
**Rhyw:** Gwryw  
**Galwedigaeth:** chwaraewr rygbi a chriced  
**Maes gweithgaredd:** Chwaraeon a Gweithgareddau Hamdden  
**Awdur:** Gareth W. Williams

Ganwyd 2 Mawrth 1871 yn fab i William Bancroft, Carmarthen Arms, Stryd Waterloo, Abertawe, yr hynaf o 11 o blant. Crydd ydoedd wrth ei grefft. Ganwyd ef yng Nghaerfyrddin ond magwyd ef yn nghysgod maes Sain Helen, Abertawe. Chwaraeai dros dîm ieuenticid lleol yr Excelsiors, cyn cael ei gêm gyntaf dros Abertawe ar 5 Hydref 1889. Ar ôl prin 17 o gemau, ac heb gêm brawf, dewiswyd ef i chwarae dros Gymru yn erbyn yr Alban yn Chwefror 1890 pan anafwyd y dewis cyntaf, Tom England o Gasnewydd.

Aeth Bancroft ymlaen i ennill 33 o gapiau yn ddi-dor rhwng 1890 ac 1901, record na thorrwyd tan 1954 gan Ken Jones (Casnewydd). Yr oedd yn gefnwr digymar, a chanddo lygaid craff a dwylo diogel y cricedwr profiadol: treuliai oriau maith yn perffeithio'i gicio, a chic gosb adlam o'i eiddo a enillodd y gêm yn erbyn Lloegr yn 1893, pan gipiodd Cymru 'r goron driphlyg am y tro cyntaf erioed. Arweiniodd Gymru i'w hail goron yn 1900. Ef oedd un o'r cyntaf i'w cyflogi fel chwaraewr proffesiynol gan Glwb Criced Morgannwg (a sefydlwyd yn 1888) yn 1895 am ddwy bunt yr wythnos. Bu farw 3 Mawrth 1959, yn Abertawe.

Bu ei frawd JACK BANCROFT (1879 - 1942) yn ei dro yn gefnwr nodedig dros Abertawe a Chymru gydag 13 o gapiau rhwng 1908 ac 1912.

### Awdur

Yr Athro Gareth W. Williams

### Ffynonellau

J. B. G. Thomas, *Great rugger players, 1900-1954* (Llundain 1955)

David Smith a Gareth Williams, *Fields of Praise. The official history of the Welsh Rugby Union 1881-1981* (Caerdydd 1980)

J. H. Morgan, *Glamorgan County Cricket* (Llundain 1952)

*South Wales Evening Post*, 4 Mawrth 1959

*South Wales Echo*, 4 Mawrth 1959

### Dolenni Ychwanegol

Wikidata: [Q3568414](https://www.wikidata.org/wiki/Q3568414)

Dyddiad cyhoeddi: 1997

Hawlfraint Erthygl: <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.